

JEFFREY A LAGA SU CD "CANCION DI AMOR" PA E HUBENTUD

ORANJESTAD [AAN] Jeffrey Kelly un hoben estudiante cu prome cu su salida pa Hulanda a graba un CD titula "Cancion di Amor" y a laga esaki atras pa e hubentud en particular y Aruba en general como un recuerdo.

Jeffrey ta un hoben amable cu tur hende cu conoce y e tabata traha na Directie Onderwijs y a ser aprecia pa su coleganan, pero despues di a termina su HAVO na Colegio Arubano a dicidi di bai sigui su HBO Opleiding, leraren engels na Tilburg.

Su hobby ta muziek y canto, y durante e festival di dande, ela sali como prome finalista. E tabata forma parti di e banda "Hit The Coco Band" un banda di hoben nan masha talentoso cu ta promete cu lo bira un banda masha formal den e topnan aki na Aruba.

Jeffrey a laga atras un gradicimento na su amigo-

nan cu a yude den Cristal Studio durante grabacion pasobra cu no a keda tempop pa gradicinan personalmente debi cu ta dos hora di tempo a ked'e prome cu ela sali pa Hulanda ela ricibi e CD den su man. Su amigonan ta Sigmund Jandroep, 2de stem, Allen Werlemanm, cu e solo guitar, El-

ton Lampe cu su fantasia di muziek, y last but not least Hubert Thiel cu a hinca e cancion den otro cu su areglo fantastico.

Asina Jeffrey ta pidi e hubentud y Aruba en general pa nan accepta e "Cancion di Amor" como un recuerdo di su viaje pa Hulanda y lo regresa pa sirbi su pais natal Aruba.

